

اولیٰ اوزرہ ایکی یوز الی ملیونلق اوراق چیقاریله جغنی اعلان
اولنوب بومقدار هنوز کاملاً تداوله وضع اولنسامشیکن قییتی یوزده
اونه تنزل ایدوب براوقدردها چیقارلدیغنی حالده کیم ییلور
ته درجه اعتباردن ساقط اولور. اشته اوراق نقدیه تک مقداری
ترقی ایتدیکجه قییتی او نسبتله تدنی ایدر و واردات دولت حساب
اولنسان مقدارک نصفنه و بلکه ثلثنه تنزل ایدر اولخالده محاربیه
فصل دوام اولنه ییلور. هله حالک پک مشکل اوله جغنی درکاردر.
(منیف)

(چنبرلی طاش)

چنبرلی طاشک اصل اسمی ستون قسطنطنین اولوب اطرافنده تیموردن
چنبرل اولسی جهتیله ترکیه چنبرلی طاش تسمیه اولنمشدر. اطرافنده
بالدفاعات وقوعبولان حر یقاردن ناشی سیاهلندیغنی مناسبیتیه بو
طرفلرده ممکن اوروپا لور یاغش دیرک دیرلر. روم دولتی زماننده
دخی سماقی دیرک تسمیه اولنورایدی.

برنجی قسطنطنین اولوقت (ویزانتیون) تسمیه اولنن استانبولی پایتخت
اتخاذ ایتدکده بونی تزیین ایچون اوروپا و آسیا شهرلرندن برطالع
اثار صنایعه جلب ایلدیکی صرده اشبو چنبرلی طاش دخی میلادک
اوجوز سنه سنده رومادن نقل اولنمش و چاتلادی قیودن ادخال ایلله
الی کون طرفنده الیوم بولندیغنی محله رکز واقامه قلمشدر.

اشبو ستون دیکلی طاش کبی یکباره اولیوب سکن قطعده قزل
سماقی طاشدن مرکبدر. قطععات مذکورده دن هر یکنک محیطی

اوتوز اوج قدم و ارتفاعی اون قدم طقوز یرمق و بتون ستونک
ارتفاعی تقریبا طقسان قدمدر هر بر قطعه تک یوقارو طرفنده
دفته دالی شکننده قبارغه پروازلی واردن اشوپروازلی مناسبه
قطعه دک خط التصاقلی انظار ناظریندن مستور اولوب حتی
بوسببه منی بعض مؤلفین یکپاره اولسنه ذاهب اولدقاری مثللو
مذکور پروازلی بالدزلی اولق حسیله بونلری لاجل التحکیم وضع
اولنمش باقر چنبرظن ایتمشلردر فقط شمیدیکی حالده چوق محلی
و خصوصیه پروازلر اکثریسی چاتلامش اولدیغندن یک نظرده
بر قاج قطعه دن مرکب اولدیغی و پروازلر کندن قبارغه ایدوکی
اکلا شیلور.

ستون مذکورک بالاسنه آپولون نام معبودک هیکلی بعض علامات
علاوه سیله قسطنطنین صورتیه تحویل و یوزی شرق طرفه توجیه
ایله وضع اولمشیدی. هیکل مذکور باقردن مصنوع اوله رق غایت
جسیم و نفیس اولوب مشاهیر قدما یونانیانندن فیدیا سکا اعمال کرده سی
ایدی. باشنده بر کونش رسمی و صاغ النده اوج ارشون طولنده
بر عصا وصول النده بر کره طوتر ایدی و قاعده سنک بر طرفنده
اشبو الفاظ یونانیه محرز ایدی

Κωνσταντίνω λάμποντι ἡλίου δίκην

معنای کونش کی لمعان ایدن قسطنطنین نامته دردی کدر

دیگر بر طرفنده دخی عبارة آیه محکوک ایدی

Σὺ Χριστὲ κόσμου κοίρανος καὶ δεσπότης

Σὺ νῦν προσήξα τήνδε σὴν δούλην πόλιν

Καὶ σκῆπτρα τάδε καὶ τὸ τῆς Ρώμης κράτος

و تو ایستادگان این شهر را که در پیش تو ایستاده اند

معنای ای مالک ملک جهان اولان حضرت عیسی اشبو بلده
محکومه کی و شو عسای سلطنتی و روما دولتی سکا وقف و تقدیم
و حوزه جابنکه تودیع ایلدم . بونلری آفادن مصون ایله دیمکدر
مذکور عصا بشیوز قرق بر سنه سنده و کره درت یوزیدی سنه سنده
وقوع بولان حرکت ارضدن و هیکل دخی مؤخر ابرشید روز کاردن
ناشی افتاده زمین محو و فنا اولشد . چنبرلی طاش ابتدای رکننده بر
منوال محرر سکر و علی روایه اون قطعه دن مر کب اولوب میلادک
بیک سکسان تاربخنده صاعقه اصابتله ایکی اوج قطعه سی بره
دو شمس اولدیغندن التمش یتش سنه صکره مانوئل نام امپراطور
سقوط ایدن قطعدرک برینه کوچک مر مر پارچه لرندن تقریباً اون
ایکی قدم ارتفاعنده حالا تپه سنده کورینان مقداری علاوه
واوزینه بر خاج رکن ایتش و کلمات آیه یی حک ایتدیر مشدر که
اليوم دخی اشاغیدن باقلد قده قرائت اولته ییلور

TO ΘΕΙΟΝ ΕΡΡΟΝ ΕΝΘΑΔΕ ΦΘΑΡΕΝ ΧΡΟΝΩ
ΚΑΙΝΕΙ ΜΑΝΟΥΗΛ ΕΥΣΕΒΗΣ ΑΥΤΟΚΡΑΤΩΡ

معنای اشبو اثر جلالت بوریسی مر ور زمان ایله مشرف خراب اولغله
حامی دین امپراطور مانوئل تعمیر ایلدی دیمکدر .
استانبولک فتحنده ذکر اولتان خاج فاتح سلطان محمد خان حضرت تالینک
امر یله ایندیرلش و بوندن یوز التمش سنه مقدم مذکور سکر
قطعه دن الک اشاغیده کی زیاده فناپذیر اولدیغندن اشبو قطعه نک
اطرافنه یارم کوپ شککنده بر دیوار انشاسیله بر قاعده ثابته
هئینه قونلش و اول صره ده اوزرینه اون درت نیمور چنبر
کچورلشد

شوك قاعده سنی چار گوشه اولوب زمیندن ارتفاعی بکرمی قدمدر
و اشاغی طرفنک قطری بکرمی قدم و یوقاروسی تقریباً اون بر
قدمدر.

بعض روایت کوره قاعده سنک التده خرسینانلر عندنده واجب
الاحترام بعض آثار قدیمه مذفون اولدیغندن اوانلده بین الاهالی
زیاده معزز ایدی و سنده بر کره عظیم جمعیت ایله اطرفنه کیدیلرک
زیارت قانور ایدی.

(فاردیس)

(تاریخ قدمای ملوک مصر)

بطلمیوس اسکندر ثانی (ما بعد)

بالاده بیان اولندیغی اوزره اسکندر ثانی میلاددن طقسان برسنه
اول جلوس ایدوب کندوسی ساده دل و سست رأی بر ذات
اولدیغندن کرک اهالی و کرک اجانب نظرنده هیچ بوجهله کسب
اعتبار ایده مامش و سیرتیاک ایالتده بولتان یهودیلر ایاقلندقلرنده
بو اختلالک دفعنه مقتدر اوله مامشدر. ایون مقدما ایالت
مذ کوره بی باوصینامه روما جهوزینه ترک ایدوب جهوز مذکور
قبول ایتمامش ایکن اسکندرک سؤ اداره سی جهتیه وصیت
مزبوره بی سر رشته ایدوب ایالت مذ کوره بی ضبط ایلیدی.
شام حکمداری انطیوکوسک زوجده سی سبیلین مصر ملوک